



01-508

Në bazë të nenit 21 të Ligjit për Planifikimin Hapësinor nr. 04/L-174 dt. 23.08.2013, nenit 18 të Ligjit për Ndërtim nr. 04/L-110 dt. 31.05.2012, nenit 21, 22 dhe 44 të Ligjit për Procedurën e Përgjithshme Administrative nr. 05/L-031 dt. 21.06.2016, nenit 17 pika “d” të Ligjit për Vetëqeverisjen Lokale nr. 03/L-040 dt. 20.02.2008, nenit 15 pika “d” e Statutit të Komunës së Prishtinës nr. 110-391 dt. 25.02.2010, Udhëzimit Administrativ të MMPH-së nr. 06/2017 dt. 23.05.2017 për Caktimin e Procedurave për Përgatitjen dhe Shqyrtimin e Kërkesave për Kushte Ndërtimore, Leje Ndërtimore dhe Leje Rrënimi për Kategorinë e I-rë dhe të II-të të Ndërtimeve, Vendimit A-60/19 dt. 28.05.2019 të lëshuar nga Ministria e Mjedisit dhe Planifikimit Hapësinor, Aktvendimit A nr. 1701/19 dt. 30.11.2020 të lëshuar nga Gjykata Themelore në Prishtinë, si dhe në bazë të kërkesës 05 nr. 351/05-51827/21 dt. 19.03.2021, të pronarëve Imrije Krasniqi, Jeton Gashi, Nexhmi Bajraj, Milazim Krasniqi dhe Arsim Memaj, me investitor “Mendi” shpk me seli në Fushë Kosovë dhe me nr. unik identifikues të biznesit 810099566, për rishqyrtimin e kërkesës 05 nr. 350/02-0010541/18 dt. 15.01.2018, për caktimin e kushteve ndërtimore për hartimin e dokumentacionit ndërtimor, për ndërtimin e kompleksit me ndërtesa shumëbanesore dhe afariste, në lagjen “Mati 1”, në Prishtinë, Drejtoria e Urbanizmit e Komunës së Prishtinës, në procedurë administrative, me datë 03.12.2021, merr këtë:

**V E N D I M**  
**PËR CAKTIMIN E KUSHTEVE NDËRTIMORE**

**I. I caktohen kushtet ndërtimore** pronarëve Imrije Krasniqi, Jeton Gashi, Nexhmi Bajraj, Milazim Krasniqi dhe Arsim Memaj, me investitor “Mendi” shpk me seli në Fushë Kosovë dhe me nr. unik identifikues të biznesit 810099566, sipas kërkesës 05 nr. 351/05-51827/21 dt. 19.03.2021, për rishqyrtimin e kërkesës 05 nr. 350/02-0010541/18 dt. 15.01.2018, Vendimit A-60/19 dt. 28.05.2019 të lëshuar nga Ministria e Mjedisit dhe Planifikimit Hapësinor, Aktvendimit A nr. 1701/19 dt. 30.11.2020 të lëshuar nga Gjykata Themelore në Prishtinë, për hartimin e dokumentacionit ndërtimor/projektit kryesor për ndërtimin e kompleksit me tre ndërtesa shumëbanesore dhe afariste, gjegjësisht ndërtesa “A”, “B” dhe “C”, në kuadër të Bllokut Urban “A17”, të Planit Rregullues “Mati 1”, konkretisht në kuadër të parcelave kadastrale nr. 649-1, 650-1 dhe 650-2 ZK Matičan.

**II. Lokacioni** për të cilin caktohen kushtet ndërtimore sipas dokumenteve të planifikimit hapësinor, përfshihet në kuadër të Planit Rregullues “Mati 1” të miratuar me Vendimin e Kuvendit Komunal nr. 01. nr. 35 - 18186 të dt. 03.08.2005, Vendimi për ndryshimin dhe plotësimin e Planit rregullues të lagjes “Mati 1” në Prishtinë, i miratuar me Vendimin për ndryshimin dhe plotësimin e Planit Rregullues “Mati 1” të Kuvendit të Komunës së Prishtinës me 01. nr. 35 – 642, të dt. 01.04.2010, si dhe Vendimin për ndryshimin dhe plotësimin e Planit Rregullues “Mati 1” të Kuvendit të Komunës së Prishtinës me 01. nr. 031 -1678 të dt. 20.07.2011, ku sipas këtij plani ky lokacion përfshihet në ngastrën e ndërtimit “F”, tipi MI, si dhe Planin Zhvillimor Urban i miratuar me Vendimin e Kuvendit Komunal të Prishtinës 01 nr. 031-181427 dt.24.09.2013, ku sipas këtij plani kjo zonë ka destinim “Ndërtim i mesëm miksi”.

Pronari me Informim nga Plani Rregullues Mati 1- PZhU, nr. 05-350/01-0163478/1 dt. 12.07.2017, lëshuar nga Drejtoria e Planifikimit Strategjik dhe Zhvillim të Qëndrueshëm e Komunës së Prishtinës, është informuar me kriteret, parametrat urban dhe kushtet e ndërtimit.

**III. Gjendja ekzistuese e lokacionit-** parcelave kadastrale të trajtuara, sipas gjendjes kadastrale, faktike dhe dokumenteve të planifikimit hapësinor, është:

- Numri, sipërfaqja, pronari dhe klasa e kualitetit të parcelës kadastrale, është:

- 649-1 ZK. Matiçan, me  $S=1034m^2$ , me pronar Imrije Krasniqi, "Arë e Klasës 5";
- 650-1 ZK. Matiçan, me  $S=2204m^2$ , me pronar Nexhmi Bajraj, Milazim Krasniqi dhe Arsim Memaj, "Arë e Klasës 5";
- 650-2 ZK. Matiçan, me  $S=400m^2$ , me pronar Jeton Gashi, "Arë e Klasës 5".
- Të drejtat pronësore-juridike për parcelat kadastrale janë private, në bazë të kopjeve të planit dhe certifikatave të njësive kadastrale;
- Në kuadër të këtyre parcelave, nuk ka ndërtesa të ndërtuara;
- Është tokë urbane, me infrastrukturë: rrugë, ujë, kanalizim, elektrikë, etj.;
- Terreni ka pjerrësi të vogël në drejtimin Veriperëndim-Juglindje;
- Qasja ekzistuese në parcelë kadastrale është përmes rrugës ekzistuese "Shaqir Igrishta" gjegjësisht përmes parcelës 1414-3 ZK. Matiçan, si dhe parçeës 649-1, njëherit këto rrugë janë edhe të planifikuara me Plan Rregullues;
- Në kuadër të perimetrit prej 50m' të parcelës kadastrale në fjalë, përfshihen ndërtesa individuale banimore dhe ndërtesa të banimit në bashkëpronësi.

**IV. Kushtet ndërtimore për hartimin e dokumentacionit ndërtimor/projektit kryesor, për rregullimin e hapësirës dhe realizimin- ndërtimin e ndërtesave të banimit, në kuadër të Planit Rregullues "Mati 1" dhe PZhU, bazuar në parametrat urban të planit:**

- Organizimi me qasje në kuadër të parcelës, pozicionimi, gabariti dhe etazhiteti i ndërtesave, në raport me vijën rregulluese dhe atë ndërtimore, distanca e ndërtesave nga kufiri i parcelës, si dhe kushtet tjera për rregullimin e hapësirës, të jenë në tërësi sipas prezantimit grafik të përshkruar në Planin e lokacionit – "Situacioni", bashkëngjitur këtij Vendimi për caktimin e kushteve ndërtimore;
- Parcelat dhe pjesës e parcelave kadastrale të trajtuara për realizimin e ndërtesave, konkretisht të përfshira- trajtuara brenda vijës rregulluese, është:

- 649-1;
- 650-1;
- 650-2;

**Sipërfaqe totale  $S=2671m^2$ .**

- Parcelat dhe pjesët e parcelave kadastrale të trajtuara për realizimin e ndërtesave, konkretisht të përfshira- trajtuara jashtë vijës rregulluese, janë:

- 649-1;
- 650-1;
- 650-2;

**Sipërfaqe totale  $S=534m^2$**

- Pjesa tjetër e sipërfaqes së parcelave kadastrale me  $S=414m^2$ , nuk trajtohet me këto kushte;
- Me këto kushte ndërtimore, në kuadër të parcelave kadastrale të përfshira në bllokun urban "A17" të Planit Rregullues "Mati 1", planifikohet të realizohet/ndërtohet kompleksi me tre ndërtesa shumëbanesore dhe afariste me etazhitet B+P+5, gjegjësisht ndërtesa "A", "B" dhe "C", me sipërfaqe bruto ndërtimore  **$S=7'207.00m^2 / 5'769.00m^2$  mbitokë +  $1'438.00m^2$  nëntokë** (sipas projekt propozimit të prezantuar), të shpërndara në ndërtesa si vijon:

- "A" – B+P+5,  $2'402.33m^2 / 1'923.00m^2$  mbi tokë +  $479.33m^2$  nën tokë;
- "B" – B+P+5,  $2'402.33m^2 / 1'923.00m^2$  mbi tokë +  $479.33m^2$  nën tokë;
- "C" – B+P+5,  $2'402.33m^2 / 1'923.00m^2$  mbi tokë +  $479.33m^2$  nën tokë.

- Destinimi i shfrytëzimit të ndërtesave të jetë për banim shumëbanesor dhe afarizëm, me hapësira përcjellëse si: kthina teknike, depo, hapësira garazhuese, etj. (sipas projekt propozimit të prezantuar);

- Koeficienti i shfrytëzimit të parcelës ndërtimore- brenda vijës rregulluese (ISHP), për vendosjen e ndërtesave në bazë- gabarit të përdhësës ose suterrenit, në bazë të PZhU, është 0.2 deri 0.4:

$$S = 2671 \times 0.4 = 1'068.40m^2$$

$$\text{Sipas projekt propozimit} = 300 \times 3 = 900.00m^2$$

- Koeficienti i shfrytëzimit të parcelës ndërtimore për nëntokë (ISHN), për vendosjen e ndërtesave në bazë- gabarit të bodrumit, lejohet max. 60% (0.6):

$$S = 2671 \times 0.6 = 1'602.60\text{m}^2$$

$$\text{Sipas projekt propozimit} = 479.33 \times 3 = 1'438.00\text{m}^2$$

- Në kuadër të kompleksit të parashihen edhe sipërfaqet gjelbëruese, ku koeficienti i shfrytëzimit të parcelës ndërtimore për sipërfaqet gjelbëruese (ISHGJ), me gjelbërim të lartë dhe të ultë, është min. 40%, përjashtimisht kur ndërtohet kulmi me gjelbërim, kjo sipërfaqe mund të jetë së paku 30%.

$$S = 2671 \times 0.4 = 1'068.40\text{m}^2 \text{ ose } S = 2671 \times 0.3 = 801.30\text{m}^2 \text{ (me kulm të gjelbër)}$$

- Koeficienti i ndërtimit (ISPN) është 1.8. Koeficienti ndërtimor i parcelës kadastrale brenda vijës rregulluese- parcelës ndërtimore, do të llogaritet si në vijim: 100% për etazhet mbi kuotën  $\pm 0.00$ , 50% për etazhet me vëllim mbi 51% mbi tokë- suteran, dhe 0% për etazhet e nëntokës- bodrume, dhe ka sipërfaqe si në vijim:

$$S = 2671 \times 1.8 = 4'807.80\text{m}^2$$

- Vendimin 01 nr.400-660 dt. 26.05.2008, të Kryetarit të Komunës së Prishtinës, për kompensimin e pronës private të planifikuar për interes publik aplikohet për sipërfaqet e parcelave jashtë vijës rregulluese deri në 20%. Bazuar në sipërfaqen e pjesëve të parcelave kadastrale të përfshira jashtë vijës rregulluese prej  $S=534\text{m}^2$ , si dhe raporti i sipërfaqeve jashtë / brenda vijave rregulluese është  $S=534 / 2671 \times 100 = 19.99\%$ , andaj sipas këtij Vendimi, mund të kompensohet/shpronësohet sipërfaqja prej  $S=534\text{m}^2$ , dhe kalkulohet me koeficient ndërtimi 1.8. Pra, sipërfaqja e kompensuar do të jetë:

$$S = 534 \times 1.8 = 961.20\text{m}^2$$

$$\text{Sipërfaqe totale e ndërtimit} = 4'807.80 + 961.20 = 5'769.00\text{m}^2$$

- Bazuar në kriteret e planit rregullues dhe PZhU, distanca minimale në mes dy ndërtesave është 1H deri 1.5H (aty ku ka hapje të kthinave primare), kurse distanca minimale nga kufiri i parcelës kadastrale- parcelës ndërtimore, është 0.75H, gjegjësisht 0.5H me kushtin e mos tejkalimit të distancës në mes dy ndërtesave, prej 1H, si dhe bazuar në kriteret e planit rregullues, tipi i mbulimit d4, mundëson ndërtimin e ndërtesave me një gjatësi prej maksimum 40m` dhe sipërfaqe të lirë prej 0.4H (ku H është lartësia e ndërtesës) ose së paku 3m`.
- Qasja në parcelë, gjegjësisht në kompleks të jetë përmes rrugës së planifikuar të planit rregullues, të paraqitur në Planin "Situacioni". Kycja të harmonizohet dhe të përshtatet me profilin e rrugës së planifikuar edhe në kohën kur realizohet ajo;
- Kuota e përdhësës së ndërtesës përcaktohet në raport me kuotën e nivelit të rrugës publike, nga e cila ka qasje parcela, gjegjësisht në krahasim me kuotën zero, por jo më e ulët se kuota e nivelit të rrugës publike dhe ajo është max. 1.2m për banim, ndërsa për afarizëm 0.2m;
- Parkimi i makinave për nevojat e banorëve (shfrytëzuesëve) të ndërtesave të banimit të sigurohet në parcelën ndërtimore në brendi të blloqeve. Për ndërtesat e banimit në bashkëpronësi standardi i parkimit respektivisht i garazhimit sipas Planit Rregullues "Mat 1" dhe Rregullores MMPH nr. 03/2016 është 1VP/njësi banimore. Për pjesën e afarizmit min. 1VP për 30m<sup>2</sup> afarizëm sipërfaqe të shfrytëzueshme. Garazhet e ndërtesave kolektive të banimit vendosen në apo nën ndërtesa, në gabaritin e ndërtesës, apo nën tokë jashtë gabaritit të ndërtesës;
- Kompleksi të organizohet edhe me vendparkimet e jashtme, rrugët, shtigjet, trotuarët, terrenet sportive, këndet e lodrave për fëmijë, etj.
- Në kuadër të parcelës të parashihet hapësira për grumbullimi e mbeturinave;
- Arkitektura/dukja e jashtme (fasada) e ndërtesës dhe materializimi i saj, të jetë me materiale bashkëkohore dhe me masa të efijencës së energjisë, dhe t'i përshtatet destinimit të ndërtesës së planifikuar, si dhe karakterit dhe kontekstit të zonës;
- Bazuar në nenin III të Vendimit të Kryetarit të Komunës së Prishtinës 01 nr. 031-185481 dt. 14.08.2015, për shkaqe të shfrytëzimit efijent të energjisë, sipërfaqja që zë shtresa e

"termoizolimit", nuk përfshihet në kalkulimin e sipërfaqes së përgjithshme ndërtimore e as në kalkulimin për taksë të lejes ndërtimore;

- Zgjidhja e kulmit duhet të projektohet dhe të ekzekutohet në harmoni me projektin arkitektonik dhe uji i strehëve duhet të derdhet brenda parcelës ndërtimore;
- Aplikimi i të gjithave kushteve dhe kriterëve tjera urbane & arkitektonike të përcaktuar në kriteret & parametrat urban të Plani Rregullues "Mati 1" dhe Planit Zhvillimor Urban- PZHU.

V. **Ndarja / Parcelimi** i parcelave kadastrale nr. 649-1, 650-1 dhe 650-2 ZK Matiçan, si dhe bashkimi i parcelave në një parcelë të vetme, do të bëhet sipas parcelës ndërtimore, të përcaktuar me vijën rregulluese, bazuar në Planin Rregullues "Mati 1", Plani i situacionit – "zgjidhja urbane" dhe manuali i ndarjes dhe bashkimit të parcelave, punuar nga gjeodeti i licencuar.

Andaj, kjo drejtori jep PËLQIM për ndarjen dhe bashkimin e parcelave të lartcekura, sipas Planit të situacionit-"zgjidhja urbane" dhe manualit të ndarjes dhe bashkimit të parcelave, e i cili do të shërbejë si bazë për evidentimin në regjistrin kadastral, të këtyre ndryshimeve.

Procedura e ndarjes dhe bashkimit të bëhet para aplikimit për leje ndërtimore, në Drejtorinë e Kadastrit të Komunës së Prishtinës, sipas këtyre kushteve ndërtimore dhe me kërkesë të pronarëve dhe investitorit, duke u bazuar në Plani i situacionit-"zgjidhja urbane" dhe manualin e ndarjes dhe bashkimit të parcelave, i cili është pjesë përbërëse e këtij Vendimi për caktimin e kushteve ndërtimore.

VI. **Kompensimi / shpronësimi** me sipërfaqe ndërtimore i sipërfaqes së mbetur jashtë vijës rregulluese të pjesëve të parcelave kadastrale nr. 649-1, 650-1 dhe 650-2 me  $S=534m^2$ , do të bëhet sipas Vendimit 01 nr.400-660 dt. 26.05.2008, të Kryetarit të Komunës së Prishtinës, për kompensimin e pronës private të planifikuar për interes publik, e cila aplikohet për sipërfaqet e parcelave jashtë vijës rregulluese deri në 20%. Sipas kalkulimeve në paragrafin IV të këtij Vendimi, parcela ndërtimore e është me sipërfaqe prej  $2671m^2$ . Bazuar në Vendimin 01 nr.400-660 dt. 26.05.2008, dhe raportit të sipërfaqeve të parcelës ndërtimore dhe sipërfaqes jashtë vijës rregulluese (sipërfaqja e pronës private të përfshirë në hapësira me interes publik) përcaktuar në përqindje (%) është  $S=534 / 5671 \times 100 = 9.42\%$ . Andaj sipas Vendimit të lartcekur, mund të kompensohet me sipërfaqe ndërtimore sipërfaqja prej  $S=534m^2$ . Sipas kalkulimit, sipërfaqja e kompensuar do të jetë  $S=534 \times 1.8 = 961.20m^2$ .

Drejtoria e Urbanizmit e Komunës së Prishtinës, jep PËLQIM për kompensimin / shpronësimin me sipërfaqe ndërtimore për pjesën e parcelave kadastrale nr. 649-1, 650-1 dhe 650-2 ZK. Matiçan, bazuar në Vendimet e lartcekura. Kjo procedurë e kompensimit me sipërfaqe ndërtimore, do të realizohet bazuar në pëlqimin e konfirmuar në këtë paragraf, i cili do të shërbejë si bazë për arritjen e marrëveshjes definitive, në mes të pronarit të parcelave dhe Komunës së Prishtinës, konkretisht Drejtorisë së Pronës.

Sipërfaqet definitive të shpronësimit / kompensimit me sipërfaqe ndërtimore të trajtohet pas ndarjes dhe barazimit të sipërfaqeve të parcelave kadastrale sipas këtij paragrafi të këtij Vendimi për caktimin e kushteve ndërtimore.

Mos zbatimi i kësaj procedure sipas këtij paragrafi, nga pronari & investitori, për arsye të ndryshme, obligon Drejtorinë e Urbanizmit të Komunës së Prishtinës, të rishikojë sipërfaqet ndërtimore të ndërtesave shumë banesore & afariste, të përcaktuara me këtë vendim për caktimin e kushteve ndërtimore.

VII. **Kyçja në infrastrukturë** - marrja e pëlqimeve nga KEDS-i dhe KUR "Prishtina", bëhet me aplikim nga kjo Drejtori. Për aplikim nevojitet prezantimi i dokumentacionit, me përcaktim të vendeve për kyçje në rrjetet përkatëse, dorëzuar veçantë në CD, me përmbajtje si në vijim:

- Emri (prindi) mbiemri i aplikuesit, numri i identifikimit dhe adresa;
- Informatën mbi lokacionin- adresa e saktë e hapësirës ndërtuese;
- Kopjen e planit dhe certifikatën e njësisë kadastrale;

- Planin e situacionit (dispozita urbanistike pjesë përbërëse e kushteve ndërtimore) dhe pamjen në ortofoto të lokacionit me hapësirën ndërtuese;
- Përshkrimin teknik të objektit (destinimi dhe kapaciteti i nevojshëm për elektrike dhe ujë).

Kyçja në infrastrukturë për ngrohje qendrore të bëhet në rrjetin ekzistues, pas sigurimit paraprak të kushteve detale dhe pëlqimit për kyçje nga "Termokos"- Ngrohtorja e Qytetit sh.a. dhe PTK.

**VIII. Dokumentacioni ndërtimor** - projekti kryesor, të hartohet nga ekipi me përgatitje të lartë profesionale dhe me kualifikime përkatëse për secilën fazë të projektit, duke u bazuar në kushtet ndërtimore të caktuara në pikën IV, projekt propozimin e prezantuar, "Rregulloren mbi normat minimale teknike për ndërtesat e banimit në bashkëpronësi", të MMPH nr. 03/2016 dt. 04.11.2016, bazuar në UA nr. 33/2007 për kushtet teknike të objekteve ndërtimore për qasjen e personave me aftësi të kufizuara, si dhe normave dhe standardeve tjera për projektim të kësaj kategorie të ndërtesave, të dorëzohet në tre (3) kopje fizike dhe një (1) digjitale, në këtë përmbajtje:

- Lokacionin e parcelës ndërtimore në kuadër të zonës;
- Situacionin - Planin e lokacionit, të gjerë në diametër prej 50m`, me ndërtesat ekzistuese dhe të planifikuara, në përpjesë 1:200, 1:500 apo 1:1000;
- Situacionin - Planin e lokacionit 1:200 ose 1:500, me dimensione të shënuara, horizontale dhe vertikale-kuota të lartësisë, relative dhe absolute;
- Situacionin - "zgjidhja urbane" në përpjesë 1:200 ose 1:500, me dimensione të shënuara, horizontale dhe vertikale-kuota të lartësisë me pozicionim të ndërtesave në sistemin koordinativ KosovaREF01, duke përfshirë edhe kuotat vertikale të hyrjeve në përdhese me kuota të shënuara, relative dhe absolute;
- Incizimin gjeodezik të parcelës ndërtimore me rrethinë, si dhe me pozicionim të ndërtesave të projektuara dhe infrastrukturës rrugore, në sistemin koordinativ KOSOVAREF 01;
- Të gjitha bazat, prerjet dhe dukjet e fasadave, në përpjesë 1:50, për ndërtesat e projektuara, duke përfshirë edhe kuotat vertikale të hyrjeve në përdhese dhe etazheve tjera, me kuota të shënuara, relative dhe absolute;
- Përshkrimin teknik me paramasë dhe parallogari të punëve ndërtimore dhe ndërtimore-zejtare;
- Detajet e nevojshme, në përpjesë 1:5, 1:10 apo 1:20 dhe specifikimin e zdrukthëtarisë, me përshkrimin e materialit të dyerve dhe dritareve, në përpjesë 1:50;
- Projektin e organizimit të kompleksit, me rrugë, shtigje, mobiliarin urban, etj;
- Projektin e strukturës së ndërtimit-llogarinë statike, me përshkrim teknik, pozicionimin dhe detaje e nevojshme;
- Projektin e instalimeve elektro-energjetike, me përcaktimin e vendit për kyçje në rrjetin energjetik të qytetit dhe pozicionimin e trafostacionit;
- Projektin e instalimeve të ujësjellësit dhe kanalizimit, me përcaktimin e vendit për kyçje në rrjetin e qytetit;
- Projektin e instalimeve të makinerisë, me përcaktimin e vendit për kyçje në rrjetin e qytetit;
- Elaborati i "Organizmi dhe masat e sigurisë në vend ndërtim", bazuar në Vendimin 01 nr. 035-174324 dt.12.07.2016, e Kryetarit të Komunës së Prishtinës;
- Elaboratin e fizikës ndërtimore dhe atë të mbrojtjes nga zhurma;
- Elaboratin gjeomekanik, në bazë të analizave të terrenit;
- Elaboratin për ndërtimin e kulmit të gjelbër (nëse planifikohet).

**IX. Dokumentacioni ndërtimor për Masat Mbrojtëse nga Zjarri** të hartohet nga ekipi me përgatitje të lartë profesionale dhe kualifikim përkatës. Me aplikacionin për leje ndërtimore të dorëzohet dokumentacioni i nevojshëm, në dosje të veçantë, i cili përmes aktit përcjellës, do të procedohet nga kjo drejtori në kompetencë të Drejtorisë së Shërbimeve Publike, Mbrojtjes dhe Shpëtimit të Komunës

së Prishtinës, për sigurimin e “Deklaratë” për Masat e mbrojtjes nga zjarri. Dokumentacioni i përgatitur duhet të përmbajë:

- Planin e mbrojtjes nga zjarri-elaboratin, të hartuar nga kompani apo individ i licencuar;
- Dëshminë mbi pronësinë për parcelën kadastrale/certifikatën e njësisë kadastrale dhe kopjen e planit (kopje);
- Situacionin-planin e lokacionit, të gjerë në diametër prej 50m`, me ndërtesa ekzistuese dhe ndërtesat e planifikuara, në përpjesë 1:200, 1:500 apo 1:1000;
- Situacionin-"zgjidhja urbane" në përpjesë 1:200 ose 1:500, me pozicionim të ndërtesave në sistemin koordinativ KosovaREF01, duke përfshi edhe kuotat vertikale të hyrjeve në përdhese, me kuota relative dhe absolute;
- Kushtet ndërtimore, të caktuara nga Drejtoria e Urbanizmit (kopje);
- Certifikatën e regjistrimit të biznesit të investitorit dhe të hartuesit të planit të mbrojtjes nga zjarri.

X. Dokumentacioni ndërtimor për **Leje Mjedisore Komunale** të hartohet nga ekipi me përgatitje të lartë profesionale dhe kualifikim përkatës, dhe aplikimi të bëhet në Drejtorinë e Planifikimit Strategjik dhe Zhvillimit të Qëndrueshëm, njëkohësisht me aplikimin për leje ndërtimore. Dokumentacioni i përgatitur duhet të përmbajë:

- Raporti për Leje Mjedisore Komunale, në tre (3)kopje në formë të shkruar dhe një (1) në formë elektronike;
- Certifikatën për regjistrimin e biznesit;
- Certifikatën e njësisë kadastrale dhe kopjen e planit.

Së bashku me dokumentacionin ndërtimor për Leje Mjedisore Komunale, të prezantohet edhe dokumentacioni i nevojshëm për ndërtimin e kulmeve të gjelbërta (në rast se planifikohet).

XI. **Marrëveshja për infrastrukturë** – bazuar në nenin 23 të Ligjit Nr.04/L-110 për Ndërtim dhe në nenin 10 dhe 11 të “Rregullore mbi Taksën administrative për dhënien e lejes së ndërtimit dhe Tarifën për rregullimin e infrastrukturës” 01 nr. 434/01–0094474/17 dt. 24.04.2017, obligohet Drejtoria e Investimeve Kapitale dhe Menaxhimit të Kontratave e Komunës së Prishtinës, të vlerësojë një ngarkesë për të rimbursuar koston për krijimin, përmirësimin, zgjerimin apo riparimin e infrastrukturës, dhe të arrijë marrëveshje për infrastrukturë me pronarin/investitorin. Me aplikacionin për leje ndërtimore të dorëzohet dokumentacioni i nevojshëm, në dosje të veçantë, i cili përmes aktit përcjellës, do të procedohet, nga kjo Drejtoria, në kompetencë të Drejtorisë së Investimeve Kapitale dhe Menaxhimit të Kontratave të Komunës së Prishtinës, për arritjen e kësaj marrëveshjeje. Dokumentacioni i përgatitur duhet të përmbajë:

- Dëshminë mbi pronësinë për parcelën kadastrale/certifikatën e njësisë kadastrale dhe kopjen e planit (kopje);
- Vendimi për caktimin e kushtet ndërtimore- këtë Vendim, së bashku me situacionin e miratuar, të lëshuar nga kjo Drejtoria (kopje);
- Autorizimin për përfaqësim;
- Kopjen e letërnjoftimit të kërkuesit/ve.

XII. **Pagesa e kompensimit për ndërrimin e destinimit të tokës, në tokë ndërtimore**- meqenëse parcelat dhe pjesët e parcelave kadastrale të përfshira në këto kushte ndërtimore, në bazë të certifikatave së njësisë kadastrale, të gjitha janë evidentuar me lloj të shfrytëzimit të parcelave “arë e klasës 5”, kërkohet që paraprakisht të bëhet pagesa e kompensimit për ndërrimin e destinimit të tokës në tokë ndërtimore, konform nenit 11, 13 dhe 14 të Ligjit nr. 02/L-26 për Tokën Bujqësore dhe nenit 8, 9 dhe 14 të Udhëzimit Administrativ të MBPZHR Nr. 41/2006, për ndërrimin e destinimit të tokës, që e rregullojnë këtë fushë.

Sipërfaqja e tokës, të cilës do ti ndërrohet destinimi, do të përcaktohet bazuar në sipërfaqen e parcelave ndërtimore, gjegjësisht  $S=2671m^2$ , sipas Plani i situacionit – “zgjidhja urbane”. Kjo sipërfaqe do të regjistrohet si tokë ndërtimore, në regjistrin kadastral, pas realizimit të pagesës së kompensimit për ndërrimin e destinimit të tokës bujqësore, andaj, kjo Drejtori jep PËLQIM për ndërrimin e destinimit të tokës bujqësore.

Kjo pagesë do të realizohet në Drejtorinë e Kadastrit të Komunës së Prishtinës, pas realizimit të pikës V të këtij Vendimi dhe para aplikimit për leje ndërtimore, bazuar në pëlqimin e dhënë në këtë paragraf.

**XIII. Pagesa e taksës administrative për dhënien e lejes së ndërtimit dhe tarifa për ndikimet nga rritja e densitetit të infrastrukturës, do të realizohet sipas “Rregullore mbi Taksën Administrative për Dhënien e Lejes së Ndërtimit dhe Tarifën për Rregullimin e Infrastrukturës” 01 nr. 434/01–0094474/17 dt. 24.04.2017 dhe bazuar në dokumentacionin ndërtimor/projektin, si pjesë përbërëse e kërkesës për leje ndërtimore. Pagesa e taksës dhe tarifës, sipas këtij paragrafi, do të realizohet sipas afatit kohor të përcaktuar në paragrafin 4 të nenit 16 të UA të MMPH-së nr. 06/2017 dt. 23.05.2017, pas marrjes së konfirmimit për pagesë.**

**XIV. Vlefshmëria e Vendimit për caktimin e kushteve ndërtimore do të jetë një (1) vit, me mundësi të vazhdimit për një (1) vit tjetër, në rastet kur nuk ka ndërruar gjendja ekzistuese apo dokumenti i planifikimit hapësinor, dhe me aplikim para skadimit të afatit të vlefshmërisë.**

### **A r s y e t i m**

Pronarët Imrije Krasniqi, Jeton Gashi, Nexhmi Bajraj, Milazim Krasniqi dhe Arsim Memaj, me investitor “Mendi” shpk me seli në Fushë Kosovë dhe me nr. unik identifikues të biznesit 810099566, me kërkesën 05 nr. 351/05-51827/21 dt. 19.03.2021, kanë kërkuar nga kjo Drejtori, rishqyrtimin e kërkesës 05 nr. 350/02-0010541/18 dt. 15.01.2018, për caktimin e kushteve ndërtimore për hartimin e dokumentacionit ndërtimor / projektin kryesor për ndërtimin e kompleksit me ndërtesa shumëbanesore dhe afariste- ndërtesa “A”, “B” dhe “C”, me etazhitet B+P+5, në lokacionin e përshkruar në paragrafin I të dispozitivit të Vendimit për caktimin e kushteve ndërtimore.

Ky Vendim, bazohet në dokumentacionin si në vijim: dëshminë mbi pronësinë për parcelat kadastrale 649-1, 650-1 dhe 650-2 ZK Matiçan; Informim nga Plani Rregullues Mati I- PZhU, nr. 05-350/01-0163478/1 dt. 12.07.2017, lëshuar nga Drejtorja e Planifikimit Strategjik dhe Zhvillim të Qëndrueshëm e Komunës së Prishtinës; kopje të dokumentit identifikues të Imrije Krasniqi, Jeton Gashi, Nexhmi Bajraj, Milazim Krasniqi dhe Arsim Memaj; Certifikatën e regjistrimit të biznesit “Mendi” shpk me seli në Fushë Kosovë dhe me nr. unik identifikues të biznesit 810099566; “Kontratë për ndërtimin e përbashkët të objektit banesor afarist” lrp nr. 13908/2017 dt. 02.08.2017, e lidhur në mes Nexhmi Bajraj, Milazim Krasniqi, Arsim Memaj, Imrije Krasniqi, Jeton Gashi, në cilësinë e pronarëve të tokës, si dhe investitorit “Mendi” shpk; “Aneks i Kontratës për ndërtimin e përbashkët të objektit banesor lrp nr. 13908/2017” lrp nr. 11335/2020 dt. 16.10.2020, e lidhur në mes Nexhmi Bajraj, Milazim Krasniqi, Arsim Memaj, Imrije Krasniqi, Jeton Gashi, në cilësinë e pronarëve të tokës, si dhe investitorit “Mendi” shpk me nr. unik 810099566; Inçizimin gjeodezik të parcelave kadastrale dhe manualin për ndarjes, shpronësit dhe bashkimin e parcelave, të punuar nga kompania gjeodete nsh “Geometika-Arch” me nr. licence 01; Foto të lokacionit; Projekti ideor; “Vendimin” A-60/19 dt. 28.05.2019 të lëshuar nga Ministria e Mjedisit dhe Planifikimit Hapësinor; “Aktvendimin” A nr. 1701/19 dt. 30.11.2020 të lëshuar nga Gjykata Themelore në Prishtinë.

Drejtorja e Urbanizmit, me Vendimin 05 nr. 350/02-0010541/18 dt. 28.01.2019, kishte refuzuar kërkesën 05 nr. 350/02-0010541/18 dt. 15.01.2018 për caktimin e kushteve ndërtimore. Ministria e e Mjedisit dhe Planifikimit Hapësinor, me Vendimin A-60/19 dt. 28.05.2019, kishte shfuqizuar Vendimin për refuzim 05 nr. 350/02-0010541/18 dt. 28.01.2019 të kësaj Drejtorie, si dhe kishte detyruar Drejtorinë e Urbanizmit të Komunës së Prishtinës, të veproj sipas kërkesës së palës konform

zgjdhjes së veçantë urbane dhe Planit Rregullues “Mati 1” dhe PZhU, si dhe nenit 17 të Ligjit Nr. 04/L-110 për Ndërtim. Ky Organ, pas pranimit të Vendimit A-60/19 dt. 28.05.2019, kishte iniciuar konflikt administrativ pran Gjykatës kompetente. Gjykata Themelore në Prishtinë, me Aktvendim A nr. 1701/19 dt. 30.11.2020, kishte hedhur poshtë si të palejuar, padinë e paditëses Komuna e Prishtinës, e ushtruar kudër të paditurës Ministria e Mjedisit dhe Planifikimit Hapësinor, me arsyetimin se Vendimi i të paditurës me nr. A-60/19 dt. 28.05.2019, nuk është vendim përfundimtar në procedurën administrative, prandaj mbi këto arsye, Gjykata e vlerësoi se në raport me këtë lloj të vendimit, nuk mund të hapet konflikti administrativ me padi.

Gjatë shqyrtimit të kërkesës 05-351/05-51827/21 dt. 19.03.2021 dhe dokumentacionit të bashkëngjitur, për rishqyrtimin e kërkesës 05-350/02-0010541/18 dt. 15.01.2018, për caktimin e kushteve ndërtimore për hartimin e dokumentacionit ndërtimor, Drejtoria e Urbanizmit, si dhe pas shqyrtimit të përmbajtjes së Vendimit A-60/19 dt. 28.05.2019 dhe Aktvendit A nr. 1701/19 dt. 30.11.2020, kjo Drejtori vendosi ta procedoj tutje kërkesën për caktimin e kushteve ndërtimore.

Në aspektin e komunikacionit, në fazat e ardhshme të projektimit dhe realizimit të ndërtesës, për rampa dhe vendparkime, duhet të aplikohen kriteret sipas “Rregullore për Normat Teknike për Ndërtesat e banimit në Bashkëpronësi”, dhe të arrihen kushtet e shikueshmërisë horizontale dhe vertikale në lokacionin e kyçjes. Gjerësia e rrugëve me qarkullim dy kahorë përgjatë hapësirave të vend parkimeve të jashtëm dhe të brendshme në garazha, duhet të jetë minimum 5.5m, ndërsa për qarkullim një kahorë duhet të jetë 3.5m. Ndryshime në rrugë të planifikuar sa i përket regjimit të trafikut me qëllimi të favorizimit të ndërtesave banimore afariste nuk duhet të ketë. Kyçja duhet të harmonizohet dhe të përshtatet me profilin e rrugës së planifikuar edhe në kohën kur realizohet ajo.

Pas shqyrtimit të kërkesës 05 nr. 351/05-51827/21 dt. 19.03.2021, për rishqyrtimin e kërkesës 05 nr. 350/02-0010541/18 dt. 15.01.2018, Drejtoria e Urbanizmit, bazuar në rregullativën ligjore në fuqi, konkretisht nenin 18 të Ligjit për Ndërtim nr. 04/L-110 dt. 31.05.2012, nenin 21 të Ligjit për Planifikim Hapësinor nr. 04/L-174 dt. 31.07.2013, nenin 7 dhe 8 të UA të MMPH-së nr. 06/2017 dt. 23.05.2017 “për Përcaktimin e Procedurave për Përgatitjen dhe Shqyrtimin e Kërkesave për Kushte Ndërtimore, Leje Ndërtimore dhe Leje Rrënimi për Kategorinë e I-rë dhe II-të të ndërtimeve”, Vendimin A-60/19 dt. 28.05.2019 dhe Aktvendin A nr. 1701/19 dt. 30.11.2020, Drejtoria e Urbanizmit ka konstatuar se kërkuuesi ka prezantuar të gjithë dokumentacionin e nevojshëm dhe se projekti ideor i prezantuar, është në harmoni me destinimin dhe kriteret tjera të Planit Rregullues “Mati 1” dhe Planit Zhvillimor Urban-PZhU për atë hapësirë, si dhe në harmoni me rrethinën, andaj konstatohet se janë plotësuar të gjitha kriteret e parapara ligjore për caktimin e këtyre kushteve ndërtimore.

Nga sa u cek më lartë, u vendos si në dispozitiv të Vendimit për caktimin e kushteve ndërtimore.

**Shtojcë:** Plani i lokacionit - “Situacioni”; “Situacioni i parcelave me vijën ndërtimore dhe rregulluese nga Plani Rregullues në sistemin koordinativ Kosovaref01”; si dhe “Propozim për ndarje, shpronësim dhe bashkim të parcelave kadastrale” të punuar nga gjeodeti i licencuar.

**Udhëzim juridik:** Pala e pakënaqur me këtë Vendim, me ankesë mund ti drejtohet kësaj Drejtorie brenda afatit prej 30 ditësh, duke llogaritur nga dita e marrjes në dorëzim të këtij Vendimi. Bazuar në vlerësimin nga kjo Drejtori, ankesa do të shqyrtohet apo do të përcillet te organi epror- MMPHI.

**Ky Vendim u shtyp në 5 (pesë) kopje identike fizike dhe i dërgohet:** Kërkuetit/ve; kësaj Drejtorie; Drejtorisë së Pronës; Qendrës për Shërbim me Qytetarë; dhe në dosje të lëndës.

**Kopje elektronike i dërgohet:** Drejtorisë së Planifikimit Strategjik dhe Zhvillimit të Qëndrueshëm; dhe Drejtorisë së Kadastrit.

**DREJTORIA E URBANIZMIT E KOMUNËS SË PRISHTINËS**  
**05 NR. 351/05-51827/21 DT. 03.12.2021**

Zyrtari:  
Arbër Hamidi

u.d. Udhëheqëse e Sektorit:  
Mimoza Berisha Prestreshi

Drejtori:  
Arbër Çolluri

Faqe 8 prej 8

Komuna e Prishtinës  
Drejtorija e Urbanizmit  
Adresa: rr. “Radovan Zogoviq” nr. 1, 10000, Prishtinë-Kosova  
Telefon + 383 (0) 38 221 242  
e-mail: urbanizmitprishtine@rks-gov.net





Republika e Kosovës  
 Republika Kosova-Republic of Kosovo  
 Qeveria -Vlada-Government

Ministria e Mjedisit dhe Planifikimit Hapësinor /Ministarstvo Sredine i Prostornog Planiranja/Ministry of Environment and Spatial Planning  
 AGJENCIA KADASTRALE E KOSOVËS/ KATASTARSKA AGENCIJA KOSOVA/ KOSOVA CADASTRAL AGENCY

Zyra kadastrale komunale / Opštinska katastarska kancelarija: Prishtinë


Nr. i njësisë kadastrale / Br. katastarske jedinice : 649-1

Zona kadastrale / Katastarska zona: Prishtinë

Numri i lëndës / Broj predmeta: NTSH "MENDI"

Lloji i njësisë kadastrale / Vrsta katastarske jedinice : Parcel

Shkalla e zvoglimit / Razmera plana 1: 600



Pikat e expropojimit		
Nr	Y	X
1	7514933.01	4723373.41
2	7514939.12	4723373.77
3	7514944.69	4723381.90
4	7514946.29	4723384.22
5	7514955.70	4723397.97
6	7514961.55	4723406.50
7	7514967.49	4723415.17
8	7514970.21	4723419.14
9	7514977.33	4723444.65
10	7514982.27	4723462.38
11	7515000.77	4723528.68
12	7515008.14	4723539.57
13	7514994.99	4723302.41
14	7514955.77	4723347.41
15	7514953.53	4723349.97
16	7514949.83	4723354.21
17	7514949.47	4723359.91
18	7514949.34	4723362.11
19	7514960.51	4723378.72
20	7514965.50	4723386.15
21	7514971.72	4723395.40
22	7514982.55	4723411.51
23	7515013.58	4723522.72

Rilevoi / Snimio: "GEOMATIKA - ARCH" SHPK.  
 (emri dhe mbiemri i gjeodetit/kompanisë/ ime i prezime geodeta/ kompanije)

Nr. i licencës / Br. licence: 01

Nënshkrimi / Potpis:

Data e rilevimit / Datum snimanja: 20.04.2021




Aprovoi / Usvojio: \_\_\_\_\_  
 (emri dhe mbiemri i personit zyrtar/ ime i prezime sluzbenog lica)

Nënshkrimi / Potpis: \_\_\_\_\_

Data e aprovimit / Datum usvajanja: \_\_\_\_\_





PROJEKTI: PROJECTED BY:	"MENDI SHPK"
INVESTOR:	OBJEKT AFARIST-BANESOR B+P+5
OBJEKTI: BUILDING:	Plani Rregullues "MATTI I", Prishtinë
VENDI I NDERTIMIT: LOCATION:	Fitore SHALA, Msc. ark.
PROJEKTUES: PROJECT DESIGNER:	ARKITEKTURA
FAZA: PHASE:	Analiza e kushteve urbane
PROJEKTI: PROJECT:	Situacioni i ngushtë
EMRI I FLETES: SHEET NAME:	
Formati: Paper Size:	A3(420/297)mm
Skala: Scale:	1:500
Data: Date:	2021


  
**PROJECT-ON** Civil engineering  
 shpk  
 Adresa: R. Vaskopojë-Prishtinë,  
 10000, Prishtinë  
 Cel: +383(0)48 727 201,  
 Email: projekt-on@gmail.com






Republika e Kosovës  
Republika Kosova - Republic Of Kosovo

Komuna e Prishtinës  
Opstina Pristina - Municipality Of Prishtina



DREJTORIA E URBANIZMIT

SITUACIONI I PARCELAVE ME VIJEN NDERTIMORE DHE  
RREGULLUESE NGA PLANI RREGULLUES NE SISTEMIN  
KOORDINATIV KOSOVAREF01



Punoi:  
Kushtrim Domaneku

Legjenda:

- Vija Rregulluese sipas PRRU
- - - - Vija Ndërtimore sipas PRRU
- Parcelat Kadastrale

Prishtinë: 03.12.2021